

204 diu küneginne habe besant
 Ithern von Kukumerlant;
 des wâpen kom zer tjoste vür
 unt wart getragen nâch prîses kür.«
 5 der künec sprach zem knappen sân:
 »Condwiramurs wil mich hân
 unt ich ir lîp unt ir lant.
 Kingrun, mîn scheneschalt,
 mir mit wârheit enbôt,
 10 si gæben die stat durch hungers nôt
 unt daz diu küneginne
 mir bûte ir werden minne.«
 Der knappe erwarp dâ niht wan haz.
 der künec mit her reit vûrbaz.
 15 im kom ein ritter widervarn,
 der ouch daz ors niht kunde sparn;
 der seit diu selben mære.
 Clamide wart swære
 vreude unt rîterlîcher sin;
 20 ez dûhte in grôz ungewin.
 des küneges man, ein vürste, sprach:
 »Kingrunen dâ niemen sach
 strîten vür unser manheit;
 niwan vür sich einen er dâ streit.
 25 nû lât in sîn ze tôde erslagen:
 suln durch daz zwei her verzagen,
 diz unt jenez vor der stat?«
 sînen hêrren er trûren lâzen bat:
 »wir sulenz noch baz versuochen.
 30 wellent si wer geruochen,

diu künegin in h. b. ([*]: dar hatte bekant V): *T · h. gesant *G (ohne Z)

Kyngrun wil es wesen pfant, *T (L)
 wander mit w. mir e., *T (L)
 st. von h. *G (nur GI)

mir b. vaste (vaste bot I bvt O [Z] enbot L bot Fr2I) ir (ir werde O L Z Fr2I) m.« *G
 kn. vant dâ (knappe do I) *G (nur G)

der sagete die s. m. *T

daz dûhtin gr. u. *T

dâ om. *G *T

niwan om. *T · er st. *G (nur GI) der dâ st. *T (nur T)

suln (slvn T) umbe daz (Svln dar vmbe L) *T

noch om. *T (ohne V)
 unde w. si *G

*D: D *m: m Fr69 (204.1–8 und 14–17) *G: G I O L Z Fr2I *T: T U V

2 Majuskel T 5 Initiale I O L Fr2I · Majuskel T 7 Initiale G 13 Initiale T U · Capitulumzeichen L · Majuskel D 15 Initiale Z 21 Initiale m I · Majuskel T

13 niht wan] niuwen *m 17 diu] die *m 21 Des küniges vürsten einer sprach: *m 22 dâ] om. *m 29 noch] om. *m